

Broj: 03-03- 4. Redovna sjed.- 352/23
Datum: 31.03.2023. god.

Na osnovu člana 5. i 6. Poslovnika o radu Nastavno-naučnog vijeća Fakulteta islamskih nauka u Sarajevu

S A Z I V A M

Četvrtu redovnu sjednicu Vijeća Fakulteta islamskih nauka u Sarajevu koja će se održati u srijedu 5. aprila 2023. godine u dekanatu Fakulteta sa početkom u 10 sati i 30 minuta.

Za sjednicu predlažem sljedeći

DNEVNI RED:

1. Usvajanje Zapisnika sa 3. redovne i 4. elektronske sjednice Vijeća.
2. Prijedlog Smjernica za izbor u akademska zvanja na Fakultetu islamskih nauka Univerziteta u Sarajevu
3. Osiguranje kvaliteta -
 - a) Izvještaj Odbora za osiguranje kvaliteta o provedenoj analizi studentske evaluacije rada akademskog osoblja u zimskom semestru 2022/23. sa preporukama
 - b) Izvještaj o prolaznosti studenata na januarsko-februarskom roku 2022/23. sa prijedlogom zaključka za Vijeće Fakulteta
4. Kadrovska i personalna pitanja:
 - a) Senat Univerziteta – Odluka br: 01-5-117/23 od 22.02.2023. godine – izbor asistenta za naučnu oblast Islamska filozofija;
 - b) Prijedlog donošenja odluke o imenovanju Komisije za izbor akademskog osoblja u akademsko zvanje:
 - vanredni profesor, naučna oblast akaid (dogmatika), tesavvuf i uporene religije
 - 1 izvršilac sa punim radnim vremenom.
5. Rijaset, Uprava za obrazovanje i nauku – Korekcija u nazivu predmeta, a u vezi zahtjeva o izmjenama i dopunama nastavnih planova i programa na Fakultetu islamskih nauka Univerziteta u Sarajevu, Master islamskih studija, **izborni** predmeti grane filologija Kur'ana/kur'anski i hadiski arapski jezik.
6. Treći ciklus studija:
 - a) Izvještaj Komisije o toku i rezultatu odbrane doktorske disertacije pod naslovom „Savremeni obnoviteljski pristupi u heremeneutici hadisa“ doktoranta mr. Fadija Maljokija,

- b) Izvještaj Komisije o ocijeni doktorske disertacije doktoranta mr. Mohameda Jafera Zareana pod naslovom: „Mula Sadrin metod u tefsiru na primjeru čovjeka kao Božijeg halife na Zemlji“,
 - c) Prijava teme doktorske disertacije mr. Sumedina Kobilice pod naslovom: „Interpretacija sunneta u djelima Muhameda Seida Serdarevića s posebnim osvrtom na njegovo djelo Fiqh al-‘ibādāt“.
7. Postdiplomski studij - Obavijest mentora prof. dr. Orhana Bajrektarevića o završetku magistarskog rada pod naslovom: "Racionalistička misao imama Maturidija i njen značaj za muslimane u Bosni i Hercegovini" kandidata Brašnjić Emira.
8. Drugi ciklus studija:
- a) Prijava završnog rada studentice Aleme Halimović-Junuz pod naslovom: "Ajeti o odabranim ženama islamske svetopovijesti s posebnim akcentom na tumačenje Ibn Kesira"
 - b) Prijava završnog rada studenta Amela Bešlića pod naslovom: "Analiza tekstova o islamskoj filozofiji u Islamskoj misli".
9. Prijedlog donošenja odluke o izmjeni i dopuni Akademskog kalendara Fakulteta za 2022/2023. godinu.

Na osnovu člana 69. stava (1) par. b) Zakona o visokom obrazovanju Kantona Sarajevo (Službene novine Kantona Sarajevo, 36/22), Vijeće Fakulteta islamskih nauka Univerziteta u Sarajevu je na 4. redovnoj sjednici održanoj 5. aprila 2023. usvojilo:

SMJERNICE ZA IZBOR U AKADEMSKA ZVANJA FAKULTETA ISLAMSKIH NAUKA UNIVERZITETA U SARAJEVU

Uvod

1. Smjernice za izbor u akademska zvanja (dalje: Smjernice) predstavljaju opći akt kojim se utvrđuju obavezujući općeprihvaćeni standardi izbora u akademska zvanja na Univerzitetu u Sarajevu. Smjernice odražavaju korporativnu kulturu i politiku Univerziteta u Sarajevu s ciljem postizanja izvrsnosti i kvaliteta u obavljanju djelatnosti visokog obrazovanja koja je od posebnog javnog interesa za Kanton Sarajevo i bosanskohercegovačko društvo u cjelini.

2. Djelatnost visokog obrazovanja obuhvata kreiranje, stjecanje, unaprijeđenje, širenje i prenošenje znanja, vještina i kompetencija na visokoškolskim ustanovama koja studente, po ispunjenju propisanih uslova, vodi do predviđene akademske titule, odnosno do stručnog ili naučnog/umjetničkog zvanja predviđenog propisima.

3. Univerzitet u Sarajevu (dalje: Univerzitet) obavlja djelatnost visokog obrazovanja - nastavni, umjetnički, naučno-istraživački i umjetničko-istraživački rad - putem: članica/organizacionih jedinica (fakulteta i naučnih instituta) i podorganizacionih jedinica (odsjeka, katedri, instituta članica, laboratorija i centara). Djelatnosti Univerziteta i njenih članica razvrstavaju se u skladu sa Klasifikacijom djelatnosti Bosne i Hercegovine (*Službeni glasnik BiH*, 47/10).

4. Nastavnu, umjetničku, naučno-istraživačku i umjetničko-istraživačku djelatnost mogu obavljati osobe izabrane u odgovarajuće naučno-nastavno/ umjetničko-nastavno zvanje odnosno naučno i istraživačko zvanje u skladu sa Zakonom o visokom obrazovanju Kantona Sarajevo, Zakonom o

naučno-istraživačkoj djelatnosti Kantona Sarajevo (*Službene novine KS*, 26/16), Statutom i drugim općim aktima Univerziteta.

5. Smjernice:

- a) definiraju osnovne pojmove vezane za izbor u akademska zvanja;
- b) utvrđuju opće kriterije za vrednovanje kvantitativnih i kvalitativnih uslova za izbor u akademska zvanja;
- c) utvrđuju opće kriterije za vrednovanje i prijedlog liste relevantnih naučnih baza i ostalih naučnih baza podataka;
- d) utvrđuju opće kriterije za vrednovanje priznatih publikacija i ostalih oblika i rezultata naučnog i umjetničkog rada akademskog osoblja;
- e) utvrđuju kriterije, kategorizaciju i vrednovanje naučnih radova objavljenih u priznatim publikacijama indeksiranim u relevantnim naučnim bazama;
- f) utvrđuju kriterije za vrednovanje publikacija od posebnog društvenog značaja i interesa koji se kao relevantni priznaju u postupku izbora onih naučnih i umjetničkih grana koja zbog specifičnosti

istraživanja i mjerenja naučnih i umjetničkih rezultata imaju poseban način vrednovanja uslova za izbore u akademska zvanja;

g) utvrđuju kriterije za vrednovanje rezultata naučnog i istraživačkog rada onih naučnih i umjetničkih grana koja zbog specifičnosti istraživanja i mjerenja naučnih i umjetničkih rezultata imaju poseban način vrednovanja uslova za izbore u akademska zvanja;

h) utvrđuju vrednovanje rezultata vezanih za proces internacionalizacije i doprinos unapređenju kvaliteta života na visokoškolskoj ustanovi i zajednici;

i) utvrđuju metodologiju za procjenu utjecaja smjernica na ukupne rezultate naučnoistraživačke i umjetničke produktivnosti i kvaliteta u Kantonu;

j) bliže uređuju druga relevantna pitanja općeprihvaćenih standarda vezanih za izbor u akademska zvanja.

6. Gramatička terminologija kojom se označava muški ili ženski rod u ovim Smjernicama uključuje oba roda.

I Osnovni pojmovi vezani za izbor u akademska zvanja

1. **Akademsko osoblje** su osobe izabrane u akademska zvanja koje učestvuju ili su angažirane u nastavnom procesu, naučno-nastavnom, naučno-istraživačkom, umjetničkom ili umjetničko-nastavnom radu na Univerzitetu i njenim članicama u skladu sa propisima o visokom obrazovanju.

2. Univerzitet u Sarajevu dodjeljuje akademska zvanja koja mogu biti: naučno-nastavna i umjetničko-nastavna. Naučno-nastavna i umjetničko-nastavna zvanja su: a) redovni profesor, b) vanredni profesor, c) docent, d) lektor, e) viši asistent i f) asistent. Osobe izabrane u akademska zvanja redovni profesor, vanredni profesor i docent su nastavnici, a osobe izabrane u zvanja lektor, viši asistent i asistent su saradnici.

3. Član akademskog osoblja bira se na jednu ili više srodnih naučno/umjetničkih grana unutar naučnog polja, u skladu sa Statutom Univerziteta, ako ispunjava uvjete za izbor u odgovarajuće akademsko zvanje utvrđene zakonom, Statutom i općim aktima Univerziteta.

4. Uvjeti za izbor u naučno-nastavna/umjetničko-nastavna zvanja na Univerzitetu u skladu sa Statutom i općim aktom Univerziteta, se definišu kroz četiri oblasti, i to:

- a) naučna dostignuća i doprinos,
- b) nastavničke sposobnosti i doprinos,
- c) doprinos procesu internacionalizacije, i
- d) društveni doprinos.

5. Uvjeti za izbor u naučno-nastavna/umjetničko-nastavna zvanja kroz naznačene četiri oblasti procjenjuju se vodeći računa o specifičnostima izbora i vrednovanju rezultata rada u naučnim oblastima, poljima i granama.

6. Kriteriji za vrednovanje naučnih dostignuća i doprinosa pobliže se uređuju dijelovima II, III i IV ovih Smjernica.

7. Nastavničke sposobnosti i doprinos obuhvataju: kvalitet realizacije nastave na obaveznim i izbornim predmetima, rad sa studentima na vannastavnim aktivnostima; inoviranje nastavnog procesa; učešće u aktivnostima unapređenja nastave i jačanje interkulturalnog iskustva studenata; dodatno opterećenje u nastavnom procesu; mentorstva za završne radove (master teze); učešće u komisijama za odbranu završnih radova; učešće u internoj programskoj evaluaciji; učešće u radu komisija za revidiranje studijskog programa; prijevod naučnih i naučno-stručnih djela sa redakturom sa stranih jezika iz naučne grane i dr.

8. Doprinos procesu internacionalizacije obuhvata: međunarodnu mobilnost; učešće u radu tijela koja se bave procesom internacionalizacije na Univerzitetu; učešće u aktivnostima Strategije internacionalizacije Univerziteta; učešće u kreiranju i realizaciji cikličnih i necikličnih studijskih programa; ljetnoj/zimskoj školi; mikroakreditivima održanim na stranom jeziku za strane i domaće studente; učešće na prestižnim međunarodnim konferencijama; učešće u uređivačkim odborima međunarodnih časopisa, naučnim i organizacionim odborima međunarodnih konferencija, recenziranju međunarodnih projekata ili međunarodnih naučnih radova ili knjiga/monografija izdanih na stranim jezicima; učešće u radu međunarodnih stručnih/naučnih asocijacija/inicijativa/konzorcija/komisija; učešće u međunarodnim projektnim timovima ili međunarodnim naučnim/profesionalnim mrežama, uređivačkom odboru međunarodnih časopisa, komisijama za izbor na inostranim visokoškolskim ustanovama; mentorstvima na inostranim visokoškolskim institucijama; realizacija gostujućih predavanja na međunarodnim konferencijama, visokoškolskim institucijama i međunarodnim udruženjima/asocijacijama.

9. Društveni doprinos obuhvata: priznanja i nagrade dobijene od šire društvene zajednice ili Univerziteta; učešće u savjetodavnim tijelima institucija od šireg društvenog značaja; učešće u nadležnim tijelima/komisijama/grupama/savjetima koje rade na jačanju, planiranju i unapređenju svih procesa u okviru visokoškolskih ustanova; rad na realizaciji aktivnosti vezanih za unapređenje institucije i razvoj zajednice; učešće u izdavačkom/uređivačkom odboru domaćih časopisa, zbornika radova i monografija; učešće u organizacionom i naučnom odboru domaćih konferencija, savjetovanja i okruglih stolova; recenzije naučnih radova, knjiga i monografija; rad na oblikovanju javnih politika; konsultantski rad za zajednicu; volonterski rad za visokoškolsku ustanovu i zajednicu; rad na razvojnim projektima; učešće u inicijativama vezanim za ostvarenje globalnih ciljeva održivog razvoja.

10. Format izvještaja o izboru u akademsko zvanje pobježe se uređuje odlukom Vijeća Fakulteta islamskih nauka Univerziteta u Sarajevu o obaveznim elementima i pratećim dokumentima izvještaja komisije sa prijedlogom za izbor u isto ili više akademsko zvanje.

II Opći kriteriji za vrednovanje kvantitativnih i kvalitativnih uslova za izbor u akademska zvanja

Minimalni uvjeti za izbor u naučno-nastavna/ umjetničko-nastavna zvanja na Univerzitetu utvrđeni su Zakonom o visokom obrazovanju. Prilikom vrednovanja uvjeta za izbor u akademska zvanja vodi se računa o specifičnostima naučnih oblasti, i to: društvenih nauka, prirodnih nauka, tehničkih nauka, medicinskih nauka, prirodno-matematičkih i biotehničkih nauka, humanističkih nauka i umjetničkom području, a posebno: naučnim poljima unutar naučnih oblasti s pripadajućim naučnim granama.

Naučna oblast: *Humanističke nauke*

Naučno polje: *Islamske nauke/ Islamska teologija*

Pripadajuće naučne grane: *Tumačenje Kur'ana (Tefsir), Učenje Kur'ana (Kiraet), Filologija Kur'ana, Poslanička tradicija (Hadis), Islamska dogmatika (Akaid) i uporedne religije, Islamska filozofija, Šerijatsko pravo (Fikh), Islamska civilizacija, Religijska pedagogija (Terbija) i Islamska praktična teologija (Imamet)*

1. Za izbor u akademsko zvanje u odgovarajućoj naučnoj grani unutar naučnog polja islamske nauke moraju se ispuniti uslovi predviđeni zakonom, Statutom i drugim općim aktima Univerziteta, te Pravilima Fakulteta islamskih nauka Univerziteta u Sarajevu (dalje: Fakultet).

2. Izbor u odgovarajuće akademsko zvanje u okviru naučnog polja islamske nauke provodi se na temelju sveobuhvatne analize rezultata rada i doprinosa kandidata realizaciji i unaprijeđenju a) nastave, b) istraživanja, c) internacionalizacije djelatnosti Univerziteta i visokog obrazovanja i d) razvoja društvene zajednice.

3. Opći kriteriji za vrednovanje naučnog rada i doprinosa kandidata u okviru naučnog polja islamske nauke su sljedeći:

a) Vrednovanje se primarno zasniva na analizi objavljenih rezultata istraživanja u svim publikacijama koje služe kao općeprihvaćeni mediji naučnog komuniciranja unutar polja islamske nauke, odnosno šire u društveno-humanističkim naukama, kao i analizi recepcije tih rezultata u nacionalnoj, regionalnoj i međunarodnoj naučnoj zajednici. Pored ostalog, to znači da se prilikom vrednovanja uzimaju u obzir članci objavljeni u nacionalnim i međunarodnim naučnim časopisima, ali i knjige, zbornici radova sa konferencija i druge publikacije koje zadržavaju važno mjesto u okviru društveno-humanističkih nauka;

b) Vrednovanje predstavlja kombinaciju kvalitativnog i kvantitativnog pristupa u analizi rezultata naučnog rada i ocjeni njihovog dometa i značaja. Kvalitativni pristup temelji se, prvenstveno, na recenzijskom i uredničkom postupku, dok kvantitativni pristup obuhvata analizu podataka o broju i kategoriji objavljenih radova, doprinosu u koautorskim radovima, faktoru utjecaja, tj. odjeku objavljenih radova koji se mjeri kroz citiranost autora i časopisa te citatnim analizama;

c) Prilikom vrednovanja uzimaju se u obzir specifičnosti i razlike među pojedinačnim granama unutar naučnog polja islamske nauke koje se odnose na medije naučnog komuniciranja i druge relevantne faktore ocjene rezultata naučnog rada;

d) Prilikom vrednovanja uzimaju se u obzir interdisciplinarnost/multidisciplinarnost unutar naučnog polja islamske nauke, kao i interdisciplinarne/multidisciplinarne relacije koje se u naučnom istraživanju uspostavljaju između naučnog polja islamske nauke/njegovih pripadajućih grana, s jedne strane, i drugih naučnih polja/njihovih pripadajućih grana, posebno humanističkih i društvenih nauka, na primjer relacije između Religijske pedagogije - Terbija i opće Pedagogije; Šerijatskog prava (Fikha) i Prava, uključujući disciplinu Pravo i religija; Religijske psihologije i opće Psihologije; Islamske filozofije i Filozofije; Filologije Kur'ana i Orijentalne filologije, Praktične islamske teologije – Imamet i više neteoloških naučnih disciplina, kao što su Pedagogija, Psihologija, Sociologija i dr.;

e) Polazeći od svojstva interdisciplinarnosti/multidisciplinarnosti istaknutog pod d) i imajući u vidu da se u međunarodnim indeksnim bazama podataka koriste različite klasifikacije nauke prilikom određenja pripadnosti indeksiranih časopisa i drugih publikacija, kod vrednovanja ispunjenosti uslova za izbor u zvanje u okviru naučnog polja islamske nauke uzimaju se u obzir radovi kandidata objavljeni u publikacijama (časopisima, uređenim knjigama i zbornicima radova i dr.) koji se kategoriziraju u: i) naučno polje/granu u kojoj se vrši izbor, ii) srodno naučno polje/granu i iii) interdisciplinarnu/multidisciplinarnu publikaciju koja objavljuje radove iz naučne grane u koju se vrši izbor;

f) Polazeći od svojstva interdisciplinarnosti/multidisciplinarnosti istaknutog pod d), kod vrednovanja ispunjenosti uslova za izbor u zvanje u okviru naučnog polja islamske nauke uzimaju se u obzir objavljeni rezultati interdisciplinarnih/multidisciplinarnih istraživanja koja uključuju i) dvije ili više grana unutar naučnog polja islamske nauke i ii) grane unutar naučnog polja islamske nauke i srodne naučne grane u okviru humanističkih i društvenih nauka, odn. drugih naučnih oblasti.

g) Vrednovanje cijeni specifičnost naučnih istraživanja u okviru islamskih nauka koja su vezana za nacionalni ili regionalni kontekst, a posebno primijenjenih istraživanja koja se provode s ciljem unaprijeđenja vjerskog života i djelatnosti u Islamskoj zajednici u Bosni i Hercegovini.

3.1. Kvantitativni uslovi za izbor

1. Osnovni kvantitativni kriterij koji se uzima u obzir prilikom prosuđivanja o naučnoj aktivnosti kandidata za izbor u zvanje jeste broj naučnih radova koji su objavljeni u priznatim publikacijama:

a) docent - najmanje tri (3) naučna rada objavljena u priznatim publikacijama, od čega je jedan (1) naučni rad objavljen u publikaciji indeksiranoj u relevantnoj naučnoj bazi podataka;

b) vanredni profesor - minimalno pet (5) naučnih radova objavljenih u priznatim publikacijama nakon izbora u zvanje docenta, od čega su dva (2) naučna rada objavljena u publikacijama koje su indeksirane u relevantnim naučnim bazama podataka; objavljena knjiga; originalni stručni uspjeh kao što je projekt ili originalni metod; uspješno mentorstvo najmanje dva (2) kandidata za stepen drugog ciklusa/integriramog studija, odnosno ekvivalenta;

c) redovni profesor - minimalno osam (8) naučnih radova u priznatim publikacijama objavljenih nakon izbora u zvanje vanrednog profesora, od čega su četiri (4) naučna rada objavljena u publikacijama indeksiranim u relevantnim naučnim bazama podataka; dvije (2) objavljene knjige; dva (2) originalna stručno-naučna djela kao što je projekt ili originalni metod; uspješno mentorstvo najmanje tri (3) kandidata za stepen drugog ciklusa/integriranog studija, odnosno ekvivalenta i jednog (1) kandidata trećeg ciklusa studija, odnosno ekvivalenta.

2. Autorom naučnog rada smatra se osoba čije je ime izričito navedeno uz naslov rada. U slučaju koautorskih radova, autorima se smatraju svi pripadnici koautorstva čija su imena navedena bilo uz naslov rada, bilo na izdvojenom mjestu u radu.

3. Vrednovanje doprinosa u slučaju koautorstva u objavljenim naučnim radovima/publikacijama vrši se na sljedeći način:

a) objavljeni naučni rad/knjiga do dva (2) autora - svako od autora zadržava udio od 100% u smislu vrjednovanja doprinosa;

b) objavljeni naučni rad/knjiga do tri (3) autora – svaki od autora zadržava udio od 75% u smislu vrjednovanja doprinosa;

c) objavljeni naučni rad/knjiga do četiri (4) autora - svaki od autora zadržava udio od 50% u smislu vrjednovanja doprinosa;

d) objavljeni naučni rad/knjiga sa pet (5) ili više autora - svaki od autora zadržava udio od 25% u smislu vrjednovanja doprinosa.

4. Prilikom vrednovanja naučnih postignuća i doprinosa kandidata za izbor u zvanje, pored kvalitativne analize, koriste se bibliometrijski parametri, kao što su faktor utjecaja naučnih časopisa, citiranost radova kandidata i drugi relevantni pokazatelji.

5. Komentorsvo jednog (1) kandidata za stepen drugog ciklusa studija/integrisanog studija/trećeg ciklusa studija vrednuje se kao 50% individualnog mentorstva.

3.2. Kvalitativni uslovi za izbor

1. Pod pojmom „naučni rad“ podrazumijeva se: izvorni naučni rad (*Original scientific paper*); pregledni naučni rad (*Review scientific paper*), prethodno saopštenje (*Preliminary communication*) i izlaganje sa naučnog skupa (*Conference paper*) objavljen ili prihvaćen za objavljivanje u priznatim publikacijama/publikacijama indeksiranim u relevantnim naučnim bazama.

2. Pored članaka objavljenih u naučnim časopisima, u naučnom polju islamske nauke vrjednuju se i drugi oblici naučnog i stručnog rada: poglavlja knjige/zbornika, članci u referentnim leksikonima/enciklopedijama, kritička izdanja tekstova, prijevodi naučnih i naučno-stručnih djela sa redakturom i dr.

U slučaju kada spomenuti oblici naučnog i stručnog rada nisu objavljeni u priznatoj publikaciji, vrjednuju se kao dodatno postignuće kandidata za izbor u zvanje na polju naučnog istraživanja.

Poglavlje knjige/zbornika objavljeno kod izdavača kategorije A, prema CERES/EADI listi, može supstituirati jedan naučni rad u publikacijama indeksiranim u relevantnim bazama podataka, dok poglavlje u knjigama/zbornicima domaćih izdavača ili izdavača nižih kategorija, prema CERES/EADI listi, može supstituirati jedan naučni rad u priznatim publikacijama.

3. Kod ocjene naučnih postignuća i doprinosa kandidata za izbor u zvanje uzimaju se u obzir i:
- priznanja i nagrade za naučni rad dodijeljene od visokoškolske ustanove ili drugih relevantnih naučnih ustanova i društava,
 - uvodna i pozivna predavanja na naučnim skupovima,
 - referati na naučnim skupovima,
 - članstvo u odborima naučnih skupova, naročito onih međunarodnog karaktera,
 - članstvo u uređivačkim odborima časopisa, naročito onih međunarodnog karaktera,
 - uređivanje knjiga, zbornika radova i monografija,
 - stručne recenzije knjiga i članaka u naučnim časopisima,
 - stručne recenzije projekata,
 - mentoriranje doktorskih disertacija,
 - vođenje ili sudjelovanje u timovima naučnoistraživačkih projekata, osobito onih međunarodnog karaktera,
 - uključivanje studenata, osobito dokorskog studija, u naučnoistraživačke projekte,
 - angažiranost na poslovima ili u radu stručnih tijela koja se bave unaprijeđenjem naučnoistraživačkog rada na Fakultetu/Univerzitetu i u okviru Islamske zajednice u Bosni i Hercegovini i dr.

III Prijedlog liste relevantnih naučnih baza podataka i ostalih naučnih baza podataka

1. Relevantna naučna baza je međunarodna referentna i citatna naučna baza sa sadržajima objavljenim u anonimno recenziranim i indeksiranim publikacijama, a koja se nalazi na listi utvrđenoj ovim Smjernicama.

Referentna naučna baza podrazumijeva bibliografske, indeksne ili naučne baze podataka sa cjelovitim tekstom sa liste utvrđene ovim Smjernicama, a koje indeksiraju anonimno recenzirane priznate publikacije.

Citatna naučna baza podataka uz bibliografski opis daje i popis referenci i citata u radovima objavljenim u indeksiranim publikacijama, te razvrstava publikacije na kategorije prema rangu faktora utjecaja.

Za naučno polje islamske nauke koje pripada široj naučnoj oblasti humanističke nauke relevantne naučne baze podataka kod vrednovanja naučnih dostignuća i doprinosa kandidata za izbor u zvanje su:

Web of Science
Scopus

Za naučno polje islamske nauke koje pripada široj naučnoj oblasti humanističke nauke ostale naučne baze podataka kod vrednovanja naučnih dostignuća i doprinosa kandidata za izbor u zvanje su:

EBSCO

Central and Eastern European Online Library (CEEOL)

HeinOnline JSTOR

American Theological Library Association Religion Database (Atla RDB)

Religious and Theological Abstracts

Cambridge Core

Index to the Study of Religions Online

ProQuest CrossRef

Index Copernicus International World of Journals

Index Copernicus Journals Master List

Erih Plus

Slavic Humanities Index

MIAR ISI OAJI

OpenAIRE OCLC

The Philosopher's Index

Philosophy Research Index

Ostale baze podataka koje su relevantne za društveno-humanističke nauke, a navedene su na listi „Ostale indeksne baze podataka“ Akademije nauka i umjetnosti Bosne i Hercegovine.

IV Opći kriteriji za vrednovanje priznatih publikacija i ostalih rezultata naučnog rada akademskog osoblja

1. Priznata publikacija je naučni časopis, uređena knjiga ili zbornik naučnih radova, odnosno serijska ili monografska publikacija indeksirana u relevantnim naučnim bazama, kao i publikacija od posebnog društvenog značaja i interesa.

2. Fakultet primjenjuje slijedeću opću kategorizaciju priznatih publikacija:

a) publikacije koje se nalaze na listi relevantnih indeksnih baza podataka Akademije nauka i umjetnosti Bosne i Hercegovine i

b) publikacije koje se nalaze u drugim indeksnim bazama podataka koje su navedene u dijelu III ovih Smjernica, odn. na listi ostalih indeksnih baza podataka Akademije nauka i umjetnosti Bosne i Hercegovine.

3. Objavljena knjiga je tematski cjelovit i kompaktan recenziran naučni, stručni ili umjetnički sadržaj u štampanoj ili elektronskoj formi koji sadrži trajni bibliografski indikator.

V Vrednovanje društvenog doprinosa

Prilikom vrednovanja društvenog doprinosa kandidata za izbor u zvanje uzimaju se u obzir i:

- priznanja i nagrade koje je kandidat dobio od Univerziteta, Islamske zajednice u Bosni i Hercegovini, međunarodnih islamskih organizacija ili šire društvene zajednice;
- učešće u organima, savjetodavnim i stručnim tijelima Islamske zajednice u Bosni i Hercegovini ili drugih institucija od šireg društvenog značaja;
- učešće u radu stručnih tijela/kolegija koja rade na planiranju, razvoju i unaprijeđenju svih procesa (nastava, istraživanje, procesi podrške i dr.) u okviru Fakulteta i Univerziteta;
- učešće u planiranju, organiziranju, koordiniranju i realizaciji aktivnosti vezanih za unaprijeđenje Fakulteta i Univerziteta, uključujući obavljanje rukovodnih i administrativnih poslova u okviru Univerziteta, Fakulteta i katedre;
- učešće u uređivačkom odboru/redakciji domaćih časopisa, zbornika radova i monografija;
- učešće u organizacionom i naučnom odboru domaćih naučnih skupova;
- recenziranje naučnih radova, knjiga i monografija;
- rad na oblikovanju javnih politika;
- konsultantski rad za Islamsku zajednicu u Bosni i Hercegovini i druge institucije od šireg društvenog značaja;
- utjecaj na formiranje javnog mnijenja kroz voditeljski, urednički i konsultantski angažman, te nastupanje i publikovanje u medijima;
- učešće u razvojnim projektima i aktivnostima s ciljem unaprijeđenja vjerskog života, odgojno-obrazovne i drugih djelatnosti Islamske zajednice u Bosni i Hercegovini.

Prijelazne i završne odredbe

1. Članovi akademskog osoblja koji su izabrani u akademsko zvanje prema odredbama propisa koji prestaje da važe stupanjem na snagu novog Zakona o visokom obrazovanju Kantona Sarajevo (2022.), zadržavaju pravo da budu izabrani u isto ili više akademsko zvanje prema uvjetima propisanim ranijim zakonom (2017.) za samo jedan izbor u isto ili više akademsko zvanje.

2. Senat vrši revidiranje Smjernica za izbor u akademska zvanja u ciklusima od najmanje pet godina. Revidiranje se vrši na osnovu procjene uticaja smjernica na ukupne rezultate naučnoistraživačke i umjetničke produktivnosti i kvaliteta u Kantonu Sarajevo, a s ciljem unapređenja kvaliteta naučnoistraživačkog i umjetničko-istraživačkog rada.

DEKAN:

Prof. dr. Zuhdija Hasanović, s.r.

Dostavljeno:

1x Senat Univerziteta

1x Uz Zapisnik

Broj: 03- 03- 4. Redovna.sjed. - 370 /23
Datum 05. 04. 2023. god.

Na osnovu člana 121. i 176. Zakona o visokom obrazovanju ("Službene novine Kantona Sarajevo" broj 36/22), člana 190, 196 199, 201. Statuta Univerziteta u Sarajevu, a u skladu sa Odlukom Vijeća br: 03-03-1. redovna sjed.- 41/23 od 11. 01.2023. godine, te saglasnosti Rijaseta, Uprave za obrazovanje i nauku br: 02-03-2-181-3/23 od 19.01.2023. godine i Senata Univerziteta u Sarajevu br: 01-5-63/23 od 22.02.2023. godine, raspisanog Javnog konkursa za izbor akademskog osoblja u nastavno- naučna zvanja na Fakultetu islamskih nauka Univerziteta u Sarajevu koji je objavljen u dnevnom listu Oslobođenje, web stranici Univerziteta u Sarajevu i web stranici Fakulteta islamskih nauka Univerziteta u Sarajevu dana **10.03.2023.** godine, Vijeće Fakulteta na 4. redovnoj sjednici održanoj dana 05.04.2023. godine, a uz prethodnu pisanu saglasnost predloženih članova Komisije donosi

ODLUKU


Imenuje se Komisija za pripremanje prijedloga za izbor u akademsko zvanje vanrednog profesora, naučna oblast **akaid (dogmatika), tesavvuf i uporedne religije -I** izvršilac sa punim radnim vremenom u sastavu:

1. dr. Adnan Silajdžić, redovni profesor Fakultet islamskih nauka Univerziteta u Sarajevu, naučna oblast akaid (dogmatika), tesavvuf i uporedne religije, predsjednik
2. dr. Rešid Hafizović, redovni profesor Fakultet islamskih nauka Univerziteta u Sarajevu, naučna oblast akaid (dogmatika), tesavvuf i uporedne religije, član i
3. dr. Nedžad Grabus, redovni profesor Fakultet islamskih nauka Univerziteta u Sarajevu, naučna oblast akaid (dogmatika), tesavvuf i uporedne religije, član

Komisija je obavezna izvještaj sa prijedlogom za izbor u zvanje dostaviti Vijeću organizacione jedinice putem protokola u skladu sa tekstom raspisanog konkursa i aktom o imenovanju komisije i to u roku od 30 dana od dana imenovanja.



DEKAN
Prof. dr. Zuhdija Hasanović



Dostavljeno:
1x Članovi komisije
1x Uz konkurs
1x Ogl. pl.
1x Uz zapisnik
1x a/a.

Broj: 03-03- 4. red. sjed. - 372/23
Datum 05.04.2023. god.

Na osnovu člana 19. i 118. Pravila Fakulteta, Vijeće Fakulteta islamskih nauka u Sarajevu na 4. redovnoj sjednici održanoj dana 04.05.2023. godine, a na osnovu zahtjeva za ocjenu završnog rada kandidata Emira Brašnjića pod naslovom: "Racionalistička misao imama Maturidija i njen značaj za muslimane u Bosni i Hercegovini" donosi

ODLUKU

o imenovanju Komisije za ocjenu i odbranu magistarskog rada


Emira Brašnjića pod naslovom: "Racionalistička misao imama Maturidija i njen značaj za muslimane u Bosni i Hercegovini" u sastavu:

1. Doc. dr. dr. Orhan Jašić, predsjednik
2. Prof. dr. Nedžad Grabus, komentor i član
3. Prof. dr. Orhan Bajrektarević, mentor i član

II

Zadatak Komisije je da obavi konačnu ocjenu i proceduru odbrane magistarskog rada kandidata Emira Brašnjića.

DEKAN
Prof. dr. Zuhdija Hasanović



Dostavljeno:
1x Imenovani
1x Članovi Komisije
1x U dosje kandidata
1x Ogl. pl.
 Uz zapisnik
1x a/a.

Broj: 03-03- 4. red. sjed. - 378 /23
Datum 05.04. 2023. god.

Vijeće Fakulteta islamskih nauka Univerziteta u Sarajevu na 4. redovnoj sjednici održanoj dana 05.04.2023. godine, a u skladu sa članom 69. Zakona o visokom obrazovanju (Službene novine Kantona Sarajevo br: 36/22) donosi

ODLUKU

I

Daje se saglasnost na imjene i dopune Akademskog kalendara Fakulteta islamskih nauka Univerziteta u Sarajevu za 2022/2023. studijsku godinu.

Sastavni dio ove Odluke je pregled datuma sjednica Vijeća doktorskog studija i Vijeća Fakulteta i ispitnih rokova I i II ciklusa studija.

II


Ova Odluka stupa na snagu danom donošenja.

O b r a z l o ž e n j e

Akademskim kalendarom Fakulteta islamskih nauka Univerziteta u Sarajevu za 2022/23. godinu predviđeno je da se sjednice Vijeća održavaju u drugoj srijedi tekućeg mjeseca. Imajući u vidu dinamiku održavanja sjednica grupcije, odnosno Senata Univerziteta, postoji potreba da se pomjeri održavanje sjednica za jednu sedmicu prije, kao i ispitnih rokova, to se donosi odluka kao gore.

DEKAN

Prof. dr. Zuhdija Hasanović



Dostavljeno:
1x Dekan
1x Prodekani
1x Katedre
1x Stud. Služba
1x Ogl- pl. /web. str.
① Uz zapisnik
1x a/a.

Univerzitet u Sarajevu
Fakultet islamskih nauka
Akademski kalendar za 2022/23. god.
Izmjene i dopune usvojeno 4. redovna sjednica Vijeća (5. april 2023. godine)

2023. godina		
Datum	Mjesec	Napomena
APRIL		
3. – 7. 4.	VII sedmica nastave ljetnog semestra (Online nastavna sedmica za I i II ciklus studija)	Redovni i vanredni studenti prate nastavu putem e-platforme
10. – 14. 4.	VIII sedmica nastave ljetnog semestra (Online nastavna sedmica za I i II ciklus studija)	Redovni i vanredni studenti prate nastavu putem e-platforme
05. 4.	Redovna sjednica Vijeća Fakulteta	Prijem materijala za sjednicu do 31. 3.
17. – 21. 4.	IX sedmica nastave ljetnog semestra (Online nastavna sedmica za I i II ciklus studija)	Redovni i vanredni studenti prate nastavu putem e-platforme
21. – 23. 4.	Ramazanski bajram	Fakultet ne radi
24. – 28. 4.	X sedmica nastave ljetnog semestra	
26. 04	Sjednica Vijeća za postdiplomske studije/Vijeća za doktorske studije	Prijem materijala do 19. 04.
MAJ		
1. - 2. 5.	Međunarodni praznik rada – 1. maj	Fakultet ne radi
10. 05.	Redovna sjednica Vijeća Fakulteta	Prijem materijala za sjednicu do 05. 05.
3. – 5. 5. i 8. – 9. 5.	Parcijalni ispit I za I i II ciklus studija (XI i XII sedmica)	Nema nastave u danima ispita (ukupno 5 dana)
8. – 12. 5.	XII sedmica nastave ljetnog semestra	
15. – 19. 5.	XIII sedmica nastave ljetnog semestra	
22. – 26. 5.	XIV sedmica nastave ljetnog semestra	
29. 5. – 2. 6.	XV sedmica nastave ljetnog semestra	
31. 05.	Sjednica Vijeća za postdiplomske studije/Vijeća za doktorske studije	Prijem materijala za sjednicu do 24. 04.
JUNI		
2. 6.	Završetak nastave ljetnog semestra za I i II ciklusa studija	
5. i 6. 6.	Stručna edukacija zaposlenika Fakulteta	
5. – 9. 6.	<i>Sedmica za učenje</i>	
07. 06.	Redovna sjednica Vijeća Fakulteta	Prijem materijala za sjednicu do 30. 05.
12. 6.	Objavljivanje konkursa za upis studenata u prvu godinu I i II ciklusa studija	
12. - 16. 6.	Završni ispit za I i II ciklusa studija	
19. 6. - 23. 6.	<i>Sedmica za učenje</i>	
26. 6. – 27. 6. i 3.	Popravni ispitni termin za I i II ciklusa studija	

27. 06.	Sjednica Vijeća za postdiplomske studije/Vijeća za doktorske studije	Prijem materijala za sjednicu do 21. 06.
28. - 30. 6. i 1. 7.	Kurban bajram	Fakultet ne radi
JULI		
3. - 7. 7.	Popravni ispitni termin za I i II ciklusa studija (nastavak)	
5. 7.	Redovna sjednica Vijeća Fakulteta	Prijem materijala za sjednicu do 27. 6.
19. 7.	Nova hidžretska godina	Fakultet ne radi
24. 07. - 27. 08.	Kolektivni godišnji odmor	Fakultet ne radi
AVGUST		
28. 8. - 7. 9.	Prvi septembarski ispitni termin (za sve predmete iz zimskog i ljetnog semestra na I i II ciklusu studija)	
SEPTEMBAR		
1. 9.	Sjednica Vijeća za postdiplomske studije/Vijeća za doktorske studije	Prijem materijala za sjednicu do 31. 08.
06. 09.	Redovna sjednica Vijeća Fakulteta	Prijem materijala za sjednicu do 31. 08.
11. - 21. 9.	Drugi septembarski ispitni termin (za sve predmete iz zimskog i ljetnog semestra na I i II ciklusu studija)	
18. - 29. 9.	Ovjera ljetnog i upis zimskog semestra	
29. 9.	Dan Fakulteta islamskih nauka	
30. 9.	Završetak akademske 2022/23.	

Broj: 03-03-4. red. sjed. - 377/23
Datum 05.04.2023. god.

Vijeće Fakulteta islamskih nauka Univerziteta u Sarajevu na svojoj 4. redovnoj elektronskoj sjednici održanoj dana 05. 04.2023. godine, a na osnovu Prijava završnog rada studenta Amela Bešlića pod naslovom: "Analiza tekstova o islamskoj filozofiji u Islamskoj misli" donosi

ODLUKU

Amelu Bešliću studentu II ciklusa studija odobrava se tema završnog rada pod naslovom: "Analiza tekstova o islamskoj filozofiji u Islamskoj misli".

Imenuje se Komisija za ocjenu i odbrane završnog rada pod naslovom: "Analiza tekstova o islamskoj filozofiji u Islamskoj misli" studenta Amela Bešlića u sastavu:


1. prof. dr. Orhan Bajrektarević, predsjednik
2. prof. dr. Amrudin Hajrić, član i
3. doc. dr. Samedin Kadić, mentor i član

II

Zadatak Komisije je da obavi konačnu ocjenu i proceduru odbrane završnog rada studenta Amela Bešlića.



DEKAN
Prof. dr. Zuhdija Hasanović



Dostavljeno:
1x Imenovani
1x Čl. Komisije
1x U dosje
1x Ogl.pl.
 Uz zapisnik
1x a/a.

Broj: 03-03-4. red. sjed. - 376/23
Datum 05.04.2023. god.

Vijeće Fakulteta islamskih nauka Univerziteta u Sarajevu na svojoj 4. redovnoj elektronskoj sjednici održanoj dana 05. 04.2023. godine, a na osnovu Prijave završnog rada studentice Aleme Halimović- Junuz pod naslovom: "Ajeti o odabranim ženama islamske svjetopovijesti s posebnim akcentom na tumačenje Ibn Kesira" donosi

ODLUKU

Alemi Halimović- Junuz studentici II ciklusa studija odobrava se tema završnog rada pod naslovom: "Ajeti o odabranim ženama islamske svjetopovijesti s posebnim akcentom na tumačenje Ibn Kesira".

Imenuje se Komisija za ocjenu i odbrane završnog rada pod naslovom: "Ajeti o odabranim ženama islamske svjetopovijesti s posebnim akcentom na tumačenje Ibn Kesira" studentice Aleme Halimović-Junuz u sastavu:


1. prof. dr. Enes Karić, predsjednik
2. prof. dr. Dina Sijamhodžić-Nadarević, član i
3. prof. dr. Almir Fatić, mentor i član

II

Zadatak Komisije je da obavi konačnu ocjenu i proceduru odbrane završnog rada studentice Aleme Halimović- Junuz.

DEKAN

Prof. dr. Zuhdija Hasanović




Dostavljeno:
1x Imenovana
1x Čl. Komisije
1x U dosje
1x Ogl.pl.
1x Uz zapisnik
1x a/a.

Broj: 03-03- 4. redovnoj sjed.- 374/23
Datum 05.04.2023. god.

Vijeće Fakulteta islamskih nauka u Sarajevu je na 4. redovnoj sjednici održanoj dana 05.04.2023. godine, a na osnovu prijedloga za imenovanje Komisije za ocjenu i odbranu projekta, radne verzije i doktorske disertacije pod naslovom: „Interpretacija sunneta u djelima Muhameda Seida Serdarevića s posebnim osvrtom na njegovo djelo Fiqh al-‘ibādāt“ kandidata mr. Sumedina Kobilice donosi

PRIJEDLOG

Komisije za ocjenu i odbranu projekta, radne verzije i doktorske
disertacije

Mr. Sumedina Kobilice, studenta trećeg ciklusa studija na Fakultetu islamskih nauka Univerziteta u Sarajevu.

Naslov doktorske disertacije: „Interpretacija sunneta u djelima Muhameda Seida Serdarevića s posebnim osvrtom na njegovo djelo Fiqh al-‘ibādāt“


Komisija u sastavu:

1. dr. Zuhdija Hasanović, redovni profesor Fakulteta islamskih nauka Univerziteta u Sarajevu, naučna oblast Hadis, **predsjednik**
2. dr. Mustafa Hasani redovni profesor Fakulteta islamskih nauka Univerziteta u Sarajevu, naučna oblast Fikh, **član**
3. dr. Kenan Musić, vanredni profesor Fakulteta islamskih nauka Univerziteta u Sarajevu, naučna oblast Hadis, **mentor, član i**
4. dr. Senad Ćeman, docent, Fakulteta islamskih nauka Univerziteta u Sarajevu, naučna oblast Fikh, **zamjenik člana**

Dostavljeno:
1x Senat Univerziteta
1x Vijeće Dokt. Stud.
1x U dosje kandidata
1x Ogl.pl./web
 Uz zapisnik
1x a/a.



DEKAN
Prof. dr. Zuhdija Hasanović




Broj: 03-03-4. redovna sjed.- 379/23
Datum 05.04.2023. god.

Vijeće Fakulteta islamskih nauka u Sarajevu na svojoj 4. redovnoj sjednici održanoj dana 05.04.2023. godine, a na osnovu člana 40. i 41. Pravila studiranja za treći ciklus studija na Univerzitetu u Sarajevu - doktorski studij, te Izvještaja Komisije o ocijeni doktorske disertacije doktoranta mr. Mohameda Jafera Zareana pod naslovom: „Mula Sadrin metod u tefsiru na primjeru čovjeka kao Božijeg halife na Zemlji“, donosi

ODLUKU

Prihvata se Izvještaj komisije o ocijeni doktorske disertacije doktoranta mr. Mohameda Jafera Zareana pod naslovom: „Mula Sadrin metod u tefsiru na primjeru čovjeka kao Božijeg halife na Zemlji“.

DEKAN
Prof. dr. Zuhdija Hasanović




Dostavljeno:
1x Vijeće dokt. stud.
1x U dosje
1x Ogl.pl.
1x Uz zapisnik
1x a/a.

Broj: 03-03-4. redovna sjed.- 372/23
Datum 05.04.2023. god.


Vijeće Fakulteta islamskih nauka u Sarajevu na svojoj 4. redovnoj sjednici održanoj dana 05.04.2023. godine, a na osnovu člana 48. Pravila studiranja za treći ciklus studija na Univerzitetu u Sarajevu - doktorski studij, te Izvještaja Komisije o odbranjenoj doktorskoj disertaciji pod naslovom: „Savremeni obnoviteljski pristupi u heremeneutici hadisa“ doktoranta mr. Fadilja Maljokija, donosi

ODLUKU

Izvještaj komisije o odbranjenoj doktorskoj disertaciji pod naslovom: „Savremeni obnoviteljski pristupi u heremeneutici hadisa“ doktoranta mr. Fadilja Maljokija, se usvaja i isti sa drugom dokumentacijom o odbranjenoj doktorskoj disertaciji, dostavit će se Rektor u Univerziteta radi promocije doktoranta.

DEKAN

Prof. dr. Zuhdija Hasanović



Dostavljeno:
1x Senat Univeziteta
1x U dosje
1x Ogl.pl.
① Uz zapisnik
1x a/a.

Broj: 03-03-4. Red. sjed- 369 /23
Datum: 05. 04. 2023. god.

Vijeće Fakulteta je na 4. redovnoj elektronskoj sjednici održanoj 05.04.2023. godine, a na osnovu Izvještaja Odbora za osiguranje kvaliteta o provedenoj analizi studentske evaluacije rada akademskog osoblja u zimskom semestru 2022/23. godine sa preporukama i Izvještaja o prolaznosti studenata na januarsko-februarskom roku 2022/23. godine sa prijedlogom zaključka donosi

ODLUKU

Vijeće Fakulteta usvaja Izvještaj Odbora za osiguranje kvaliteta o provedenoj analizi Studentske evaluacije rada akademskog osoblja u zimskom semestru 2022/23. godine sa preporukama i Izvještaj o prolaznosti studenata na januarsko-februarskom roku 2022/23. godine.

Na predmetima na kojima je u terminu završnog i popravnog ispita u januarsko-februarskom toku akademske 2022/23. godine utvrđena prolaznost manja od 30%, a broj studenata prijavljenih na ispit je bio veći od 10, predlaže se organiziranje dodatne nastave u učionici u toku mjeseca maja 2023.godine, za studente koji nisu položili predmet i to u trajanju od jedne petine (1/5) ukupnog fonda sati na predmetu (npr. dodatne nastave 6 sati predavanja + 3 sata vježbi, ako fond sati na predmetu iznosi 45 sati, tj. 30 sati predavanja + 15 sati vježbi).


Zadužuje se Studentska služba da pripremi raspored dodatne nastave.

Zadužuju se rukovodioci katedri da prate realizaciju ovog zaključka i o tome podnesu izvještaj, sa pratećom evidencijom potpisa prisutnih studenata na dodatnoj nastavi, prodekanu za nastavu do 5. juna 2023. godine.

Sastavni dio Odluke su Izvještaji Odbora za osiguranje kvaliteta.

Dekan

Prof. dr. Zuhdija Hasanović



Dostavljeno:

- 1x Odbor za osiguranje kvalitet
- 1x Prodekan za nastavu
- 1x Katedre
- 1x Stud. služba
- 1x Ogl. Pl./web
- 1x Uz Zapisnik
- 1x a/a